

EX JURE PUBLICO COLONIENSI.

41

1. **E**cclēsiæ Colonienſis tam metropolitica tam episcopalia cœd̄ diœcefana in alienis Conſtatuum Ducatibus jura, non Privilegio, non Contractu aliquo nituntur, ſed innatâ jam à pluribus retrò ſeculis & cœvâ atque ab ipſa fundatione in hunc uſque diem acceptâ produciâque Authoritate.
2. Enimverò hæc noſtra *Colonienſis Eccleſia*, ſub Regibus jure hæreditario *Germaniæ* imperantibus, eandem per plurimas Provincias *Auctoritatē archi- & episcopalem*, priuſquam ſtabilita eſſet *Statuum ſuperioritas*, adquiſivit, & eâdem ſenſim ſtabilitâ, ſub *Dominis territorialibus* indivulſè hætenùs conſtanti *Regum* Patrociniò retinuit, neque Exemplum oſtendi poterit antea violatæ tam ſacræ & antiquiſſimæ Poſſeſſionis, ut inde, uti *Episcopis Germaniæ Statibus* generatim, ſic *Archiepiscopis Colonienſibus* ſpeciatiim, ea omnia hodie jura in exteris *Conſtatuum* Territoriis absolute competant, quæis olim in iisdem Provinciis ſub *Regibus hæreditariis*, & poſteâ, notoriè & pacificè uſi ſunt, ac vel conſtanter uſi fuiſſe intelliguntur.
3. Hinc jura *Archi- & Episcoporum Germaniæ Statuum* in alienis *Conſtatuum* Territoriis, confundenda non ſunt cum juribus *Archi- & Episcoporum* in *Germaniâ non Statuum*, jure Patronatûs regio conſtitutorum, veluti: *Archi-Episcoporum Vienneniſis, Pragenſis, & aliorum* ejuſmodi Præſulam mediatorum.
4. Quàm parum igitur *Domino territoriali* juſ competat, in præjudiciuſ *Episcopi diœceſani*, putâ: *Conſtatûs Imperii*, etiâ cum Conſenſu Pontificis atque Imperatoris, novum erigendi *Episcopatum?* per ſe patet;



5. Valdè autem inconcinne novissima juris Publici in Germania Ecclesiastici Principia, ad *Episcopos non Status*, ac vel ad ipsum *summum Pontificem* quà simul *Extraneum* pertinentia, ad ipsos etiam *Archi- & Episcopos Germaniæ Status* adplicantur;
6. Nullo igitur juris fundamento Serenissimi *Ducis Abrenbergici* Regimen, *Archi-Episcopi Coloniensis* sui *Domini diocesani & Constatûs* jura à Seculis quæsita, novis indies Attentatis viâ facti turbare, sibi que novissimis *juris publici* principiis malè adplicatis, per fas & nefas usurpare, hæcenus experti sumus.
7. Universale Directorium comitiale interimisticum, sede Moguntinâ vacante, soli præ aliis jure absoluto competit Serenissimo Coloniensi quà secundo (in ordine) sacri Romani Imperii, præ serenissimo Trevirensi, Archicancellario.
8. Neque quod nudâ tantùm cum Trevirensi Alternativâ in malo hæcenus supposito prætensâ acquieverit, stante Lite & Re principali adhuc integrâ, ipso fortiori jure ex *Archicancellariatu per Italianam* proficiscente penitiùs hodie inspecto, vel minimum sibi præjudicavit.
9. Ex eo, quod *Henricus II.* Archiepiscopus Coloniensis A. 1310. à *Ludovico* Bavaro Imp. impetraverit privilegium: „*ut liceat Archicancellariatûs Officium exercere per Substitutum*“ . ap. *Gelen.* de Magnit. Col. L. 1. pag. 76. contra metropolitanum moguntinense Capitulum simul evincitur, Directorium comitiale tanquàm Archicancellariatûs Consecrarium, jus esse personalissimum, quale ad Capitulum sede vacante non devolvitur.



